

七十二家集

江醴陵集卷之六

梁濟陽江淹文通著

明閩漳張熒紹和纂

詩

就謝主簿宿

季月寒氣重
滋蘭錯無芳
北方漂夜色
河疑曩如霜
悵哉心神晚
燭滅此深堂
斐衣如可贈
寧濕岨雲梁

無錫舅相送銜涕別

心遠路已迴意滿辭未陳曾風漂別蓋北雲竦
征人杯酒憐歲暮志氣非上春若無孤鳥還漚
泣何所因

當春四韻同 左丞

雷萌山中草雲煦江上花流烟漾璇景輕風泛
凌霞我有幽蘭念銜意囑里斜友人殊未還獨
慰簷前華

感春冰遙和謝中書二首

江臯桐始華斂衣望邊亭平原何寂寂島嶼暮

紫莖芬披好草合流爛新光生冰雪徒皦潔此
焉空守貞

暮意歌上眷悵哉望佳人寧洲之宿莽命爲瑤
桂因觀書術不變學古道恒真若作商山客寄
謫丹水濱

詠美人春遊

江南二月春東風轉綠蘋不知誰家子看花桃
李津白雪凝瓊貌明珠點絳唇行人咸息駕爭
擬洛川神

征怨

蕩子從征久鳳樓簫管閒獨枕凋雲鬢孤燈損
玉顏何日邊塵淨庭前征馬還

清思詩

趙后未至麗陰妃非美極情理儻可論形有焉
足識帝女在河洲晦映西海側陰陽無定光
錯千萬色終歲如瓊草紅華長翕飈

師曠操雅操延子聆奇音玄鶴徒翔舞清角自
浮沈明瑄東南逝精絲西北臨白雲瑤池曲止

一作
上 使淚漚漚

秋夜紫蘭生湛湛
明月光偃蹇靈芝采容裔
紫華堂林木不拂蓋
淇水寧漸裳倏忽南江陰
照曜北海陽從此長往來
萬世無感傷

白露滋金瑟清風蕩玉琴
空閨饒遠念虛堂生夜陰
茲夕一何哀明月沒西林
世人重時暮道士情亦深
願乘青鳥翼徑出玉山岑

至德不可傳靈龜不可侶
草木還根蒂精靈歸妙理
我學杳冥道誰能測窮已
須待九轉成終

會長沙市

傷內弟劉常侍

金壁白蕙質蘭杜信嘉名
丹綵旣騰迹華萼故揚聲
伊余方罷秀歎息向君榮
誰疑春光具何遽秋露輕遠
心惜近路促景怨長情風至
衣袖冷况復蟋蟀鳴白露泠
漢沼明月空漢生長悲離短
意惻切吟空庭注歛東郊外
流涕北山垌

悼室人十首

佳人永暮矣隱憂遂歷茲
寶燭夜無華金鏡豈

紅從桐葉生綠水霧天流碧
茲蕙弱芳未空蘭
深鳥思時湘醺徒有酌意塞不能持

適見葉蕭條已復花菴鬱帳裏春風盪簷前還
燕拂垂涕視去景推心向徂物今悲輒流涕昔
歡常飄忽幽情一不弭守歎誰能慰

夏雲多樣色紅光鑠綈鮮苒弱屏風草潭拖曲
池蓮黛葉鑑深水丹華香碧煙臨綵方自弔墮
氣以傷然命知悲不絕恒如注海泉

駕言出遊行冀以滌心胸復值煙雨散清陰帶

山濃素沙匝廣岸雄虹冠尖峯出風舞森桂落
日暖圓松還結生不念楚客獨無容

秋至擣羅紈淚滿未能開風光肅入戶月華爲
誰來結眉向珠網瀝思視青苔髮局將成葆帶
減不須摧我心若涵煙蓋蓋滿中懷

應塵歲時阻閨燕日夜深流黃夕不織寧聞梭
杼音涼靄漂虛座清香盪空琴蜻引知寂寥蛾
飛測幽陰乃抱生死悼豈伊離別心

顥顥氣薄暮耿耿清衾單階前水光裂樹上雪

花圍庭鶴哀以立雲雞蕭且寒方東有苦淚承
夜非膏蘭從此永黯削萱葉焉能寬

抒悲情雖滯迭往意所知空座幾時設虛帷無
久垂暮氣亦何勁嚴風照天涯夢寐無端際慙
恍有分離意念每失乖徒見四時虧

神女色姱麗乃出巫山湄逶迤羅袂下鄣日望
所思佳人獨不然戶牖絕錦綦感此增嬋娟屑
屑涕自滋清光澹且減低意守空帷

二妃麗瀟湘一有乍一無佳人承雲氣無下此

幽都當追帝女迹出入泛靈輿掩映金淵側遊
豫碧山隅曖然時將罷臨風還故居

騷

遂古篇

僕嘗爲造化篇以學古制今觸類而廣之復有此文兼象天問以遊思云爾

聞之遂古大火然兮水亦溟滓無涯邊兮女媧煉石補蒼天兮共工所觸不周山兮河洛交戰寧深淵兮黃炎共鬪涿鹿川兮女姁九子爲民先兮蚩尤鑄兵幾千年兮十日並出堯之間兮羿廼斃日事豈然兮嫦娥奔月誰所傳兮豐隆

騎雲爲靈仙兮夏開乘龍何因緣兮傳說託星
安得宣兮夸父鄧林義亦艱兮建木千里烏易
論兮穆王周流徃復旋兮河宗王母可與言兮
青鳥所解路誠亶兮五色玉石出西偏兮崑崙
之墟海此間兮去彼宗周萬二千兮山經古書
亂編篇兮郭釋有兩未精堅兮上有剛氣道家
言兮日月五星皆虛懸兮倒景去地出雲煙兮
九地之下如有天兮土伯九約寧若先兮西方
捧收司金門兮北極禺強爲常存兮帝之二女

遊湘沅兮睨明燭光向焜煌兮太一司命鬼之
元兮山鬼國殤爲遊魂兮迦維羅衛道最尊兮
黃金之身誰能原兮恒星不見頗可論兮其說
彬彬多聖言兮六合之內心常渾兮幽明詭性
令智憺兮河圖洛書爲信然兮孔甲叅龍古共
傳兮禹時防風處隅山兮春秋長狄生何邊兮
臨洮所見又何緣兮蓬萊之水淺於前兮東海
之波爲桑田兮山崩邑淪寧幾千兮石生土長
必積年兮漢鑿昆明灰炭全兮魏開濟渠螺蚌

堅兮白日再中誰使然兮北斗不見藏何間兮
建章鳳闕神光連兮未央鐘簴生華鮮兮銅爲
兵器秦之前兮丈夫衣綵六國先兮周時女子
出世間兮班君絲履遊泰山兮人鬼之際有隱
淪兮四海之外孰方圓兮沃沮肅慎東北邊兮
長臂兩面赤乘船兮東南倭國皆文身兮其外
黑齒次裸民兮侏儒三尺並爲鄰兮西北丁零
又烏孫兮車師月支種類繁兮馬蹄之國善騰
奔兮西南烏弋及罽賓兮天竺于闐皆胡人兮

條支安息西海濔兮人迹所極至大秦兮珊瑚
明珠銅金銀兮琉璃瑪瑙來雜陳兮磳磳水精
莫非真兮雄黃雌石出山垠兮青白蓮華被水
濱兮宮殿樓觀並七珍兮窮陸溟海又有民兮
長股深目豈君臣兮丈夫女子及三身兮結胸
反舌一臂人兮跂踵交脰與羽民兮不死之國
皆何因兮茫茫造化理難循兮聖者不測况庸
倫兮筆墨之暇爲此文兮薄暮雷電聊以忘憂
又示君兮

雜詞 有序

予上國不才黜爲閩山長吏待罪三載究識煙霞之狀旣對道書官又無職筆墨之勢聊爲後文

構象臺

曰上妙兮道之精道之精兮俗爲名名可宗兮聖風立立聖風兮茲敎生寫經記兮寄圖剎畫影象兮在丹青起淨法兮出西海流梵音兮至東溟綱紫宙兮洽萬品冠璇寓兮濟羣生余汨

阻兮至南國迹已徂兮心未扃立孤臺兮山岫
架半室兮江汀累青杉於澗構積紅石於林樾
雲八重兮七色山十影兮九形金燈兮江蘿環
軒兮匝池相思兮豫章戴雪兮抱霜栽異木而
同秀種雜草而一香苔癰生兮繞石戶蓮花舒
兮繡池梁伊日月之寂寂無人音與馬迹耽禪
情於雲逕守息心於端石永結意於鷲山長焦
悴而不惜

訪道經

百學兮異文錦派兮縉分瑜君之言兮皦無際
恍予之道兮迴不羣澹深韻於白水儼高意於
浮雲軌賢豪於後學軌望識於前文茲道兮可
傳可傳兮皓然挾茲心兮赴絕國懷此書兮坐
空山空山隱嶙兮窮翠嶼永散漫兮涵素壑海
外陰兮氣曩曩江上月兮光灼灼東南出兮不
一山西北來兮乃雙鶴池中蓮兮十色紅窓前
樹兮萬葉落四壁深兮乃沈瀟左右虛兮如寂
寞寂寞兮山室德經兮道表盪魂兮刷氣掩憂

今靜疾信若人兮先覺聊與子兮如一

鏡論語

巡青史之殘誥覽朱管之遺冊惟魯濱之一叟
信銜道而探寂世艱險而多阻君英明而不革
講業兮齊衛論精兮洙泗子之說兮義已秘成
賈鄭之雄理考黃何之壯思惜古人之取才瞰
青雲而靖意意惆悵兮有端才嶒峻兮可觀憲
矯禹而析法襲仁誼而求安不嫵婉於戚施寧
蹕蹕於馬蘭俾後生之庶士鑒明德之音翰惟

山中兮寂寥沈憂思兮無從石紅青兮百疊山
澹淡兮萬重目下兮月出兮銅峰竹色兮
拂戶水氣兮繞窓味哲人之遺珍折片句兮忘
老齋石門之埋名憐柳子之耽道書吳伯於衣
袖饒顏子於心抱籌出處之叔仲酌言默之多
少若妙行與上靈非積學之所紹至游夏以升
降幸砥心而勿夭

悅曲池

北山兮黛栢南江兮頽石頽峰兮若虹黛樹兮

如畫暮雲兮十里朝霞兮千尺千尺兮緜緜青
氣兮往旋桐之葉兮蔽日桂之枝兮刺天百谷
多兮瀉亂波雜礪饒兮驚叢泉竟長洲兮匝東
島縈曲與兮繞西山山巒岼兮水環合水環合
兮石重沓林中電兮雨冥冥江上風兮木颯颯
盟清冷兮適潯浚白雲起兮弔石蓮客子思兮
心斷絕心斷絕兮愁無閑步東池兮夜未艾卧
西牕兮月向山引一息於魂內擾百緒於眼前
意春蘭與秋若願不絕於江邊

愛遠山

仙鶴兮已遠名山兮不返
逮緝草之可結及朱華之未晚
縲余馬於椒阿漾余舟於沙衍
臨星閣兮斜閣看日爍兮霞淺淺
霞兮駁雲一合兮一分
興壑兮爲飾綴澗兮成文
碧色兮婉轉丹秀兮盛
蕙深林寂以窈窕上猿狖之所羣
羣猿兮牯山大林兮蔽天
楓岫兮筠嶺蘭畹兮芝田
紫蒲兮光水紅荷兮艷泉
香枝兮嫩葉翡翠累兮翠
豐非郢路之遼遠實寸憂之相接
欬美人於

江醴陵集

卷六

七

心底願山與川之可涉若溘死於汀潭哀時命而自愜

應謝主簿騷體

山樗靜兮悲凝涼澗軒掩兮酒涵霜
層風激兮綠蘋斷積石閉兮紫苔傷
芝原寂少色筠竹黯無光
沫予冠於極浦馳予珮兮江陽
弔秋冬之已暮憂與憂兮不忘
使杜蘅可翦而棄夫何貴于芬芳

劉僕射東山集學騷

含秋一顧眇然山
中檀欒循石便娟來
風木瑟瑟兮氣蓋
蓋石戔戔兮水成文
龜江崖之素草窺
海岫之青雲願芙蓉
兮未晦遵江波兮待
君

山月齋詩五首

青春素景兮白日出之藹藹
吾將弭節於江夏
見杜若之始大結琚鱗以成車
懸雜羽而爲蓋
草色綠而馬聲悲
歛衲袖以流帶

予將禮於太一乃雄劍兮玉鉤
日華粲於芳閣
月金波於翠樓
舞燕趙之上色
激河淇之名謳
薦西海之異品
傾東岳之庶羞
乘文魚兮錦質
要靈人兮中洲

入橘浦兮容與
心懞惛兮迷所識
視煙霞如一

色深秋窈以虧天上列星之所極桂之生兮山
之巒紛可愛兮柯團團谿崎嶇兮石架阻颼颼
颼兮木道寒煙色閉兮喬木橈嵐氣闇兮幽篁
難忌螽蛄之蚤吟惜王孫之晚還信於邑兮白
露方天病兮秋蘭

石筵筵兮蔽泉雪疊疊兮薄樹車蕭條兮山逼
舟容與兮水路愍晨夜之摧挫感春秋之欲暮
征夫輟而在傍御者跼而載顧

魂兮歸來異方不可以親蝮蛇九首雄虺戴鱗

炎穴一光骨爛魂傷玄狐曳尾赤象爲梁至日
歸來無往此異方

江醴陵集卷之七

梁濟陽江淹文通著

明閩漳張燮紹和纂

詔

北伐詔

門下朕統曆馭政志包函夏庶愬文軌無思不
服而逖焉狡虜久爲邊虞及宋末不庭授策乖
律北州外淪威風內毀鑒彼隆替慨歎盈懷冕
旒濟河翦彼凶狄咸秩中岳望祀汾陰則聲教

罔矣猶以經綸惟始恩化甫洽勞民擾衆爲政
所重故方輟六師按經九伐今淮泗告驚羽書
馳聞醜羯妖燼迭死北垂徵天人之數撫自來
之會無勞遠兵剿撲爲易蓋因茲大號蕩其巢
藪可遣某官組甲十萬鐵騎千馬斜趣潁洛衝
其要津某官某虎旅八萬舳艫數千沿淮長驅
稜威青汴某官某舟師五萬直出淮淝某官控
江右之銳絡驛繼進某官某率羽林勁勇爲水
陸形援某官某甲等並率義勇之衆牙制椅角

之機戎車戒路事宜惣一使持節都督南徐
二州諸軍事後軍將軍南徐州刺史長沙王晃
出次江都爲衆軍節度驍雄競奮火烈風掃剋
定中原肅清河洛便可內外纂嚴以時備辦

遣使巡行詔

門下昔明王馭世巡嶽采政睿后司朝觀俗調
化故生無鬱滯物獲脩通釐風拯患於茲爲急
朕以輶薄昧于大道因璿璣之曆遵三德之運
緝鑒前哲寤寐永歎思所以闢訪治蠹詢求民
瘼才寡務殷若無津際故以情深危薄心疚夙
夜矣可普遣大使分行四方推賢薦能問疾舉
滯若其采野不關犴訟有虧妨氓利害擾黷政
經者具以奏聞如其謹言嘉話真士奇才亦依

名騰上隨事均量務取厥中朕將親覽以弘遠
化

立學詔

門下夫膠庠之典彝倫攸先所以昭振才端啓
發性緒弘世字氓納之軌儀是故五禮之迹可
傳六樂之容不泯朕自膺曆受圖志闡經訓且
有司群寮奏議橫集以戎車屢警文教未敷思
樂辟雍永言多慨今關燧無虞時和歲稔遠邇
同風華夷慕義便可式遵前準脩建敦學精選
儒官廣延國胄

斷募士詔

門下設募取將懸賞購士蓋出權宜非曰經制
頃者民罹氛藹世襲艱阻因時流故浸以成俗
斯風蕩而未還且滋長逋逸開罪山湖遂乃黥
刑不辱草竊無咎平政察治萌合甄革自今已
後可悉斷衆募

慰勞雍州詔

皇帝謝鎮軍寧蠻二府雍州文武士庶等夫忠
爲令德或感慨殺軀信實美行或殉義蹈節而
沈攸之小豎反覆稱逆西藩袁粲劉秉潛使相
扇遂擁據石頭並圖廟社粲秉旣從王憲蒼黎
同慶攸之孤州蟻聚勢必燼滅刺史張敬義氣
雲騰秣馬星驅全羽十萬殄茲氛鯨曾不旋踵
彼州南陽白水將相遺風忠義之士霜戈電發
但戎車暫動念原未寧冬寒卿皆無恙

賜赦交州詔

門下交部昔值時諛負海不朝因迷遂往歸款
莫由今創制萬寓烟熅造物原刑四裔澤浹中
畿愍彼邊氓未均王化宣弘遠仁蕩以更始可
由赦彼州統內咸同曠泰李叔獻一人卽撫爾
土其股肱文武詳材選推并遣大使宣揚朝旨

曲赦丹陽等四郡詔

門下朕興言民瘼昧旦求政所以庶存簡惠緝
茲治道而玉燭未調祥風尙鬱京輔及三吳昔
歲水災秋登旣罕今茲厲疾罹患者多納隍之
歎爲矜良深可曲赦揚州所統丹陽吳興南徐
州所統義興等四郡其遭水尤劇之縣自今年
以前三調未克而虛例已畢官長局吏應共備
償者雖卽事爲愆情在可亮外詳所除以弘優
澤

大赦詔

門下朕思弘風教而刑罔猶積永言前烈兢歎
載懷今履端告始羣后執贄治洽樂郊華夷同
泰雖和慙擊石采愧卿雲然景業初基義深恒
典慶動玄靈歡溢都縣憫彼幽黔猶隔茲澤思
我兆民共熙至化

王儉爲左僕射詔

門下端貳樞秘寔惟國禎緝典宣機所寄時彥
尚書右僕射領吏部尚書南昌縣開國公儉器
懷明亮風情峻遠業積珪璋才兼經緯况乃節
亮帷幄譽敷端揆升授之宜益允其瞻可左僕
射

王儉領太子詹事詔

門下管司東朝歷代所重自非國華莫允斯任
侍中尚書左僕射南昌縣開國公儉鑒識清瞻
理懷秀澈績亮朝端譽敷僉議贊業攸光物聽
斯緝宜惣二官以穆彝序

王鎮軍爲中書令右光祿詔

門下綸言嬰密歷選爲難優秩崇顯允在舊德
使持節都督江州豫州之新蔡晉熙二郡諸軍
事鎮南將軍江州刺史延之業履冲約秉情閑
素譽彰頻試績著累朝自居南服徽庸尅舉宜
升寵章管兼樞秘

張令爲太常領國子祭酒詔

門下庠議既敷縉紳攸屬師氏之任宜歸儒素
散騎常侍中書令驍騎將軍揚州大中正緒器
識清簡理懷恬約譽洽朝聞聲緝民聽必能闡
揚玄宗式範胄子兼掌宗伯望實惟宜

爲何詹事拜吏部尚書詔

門下官人之職實難其選所以彌諧彝品謨明庶績今思治惟急彌不可曠侍中太子詹事戢業履脩平體識詳穩自升宮闈美譽咸聞必能無懈于位爰茲流序

王撫軍爲安東吳興詔

門下震澤殷吳撫馭須才都官尚書撫軍潯陽
郡開國公敬則志幹貞烈秉情開敏忠勤之至
形乎出內必能綏懷大邦尅隆美政可安東將
軍吳興太守

王光祿爲征南湘州詔

門下衡岳名區荆湘奧壤自頃凋弊綏撫須賢
侍中光祿大夫丹陽尹僧虔德履淹邃識局詳
正冲素之品朝望攸歸歷職之庸載懷僉聽往
任沅湘餘惠在民今宜重敷善政申此懿績

柳僕射爲南兗州詔

門下河兗衝要維扞中畿司牧之任宜詳其授
後將軍領軍新除尚書左僕射濱陽郡國公世
隆業體淹濟思情通敏功書王府績彰累任必
能宣弘恩政威懷萬里雖哀疾毀頓而禮有權
奪

王侍中爲南蠻校尉詔

門下荆楚殷曠任重寄深毗佐之選非良勿授
侍中領秘書監驍騎將軍與秉心貞元志局開
亮績譽之美在公屢彰必能贊政南紀播惠西
夏

王僕射加兵詔

門下散騎常侍尚書左僕射太子詹事南昌縣
開國公儉忠款昭著任寄隆深旣光朝猷允屬
民聽宜增威飾以崇望實可加兵二百

褚侍中爲征北長史詔

門下蕃佐須才非良莫寄侍中領步兵校尉炫
議業清悟思懷淹暢出內之譽日聞其美宜弼
諸親屏以申茂績

封江冠軍等詔

門下締基緯業序功攸急開曆闡祚酬庸爲先
故以式藹曩書載炳前軌文仲等或誠亮艱危
効彰屯誠皆績幹兩宣勤圖兼立宜各分珪社
酬厥勞謚

蕭冠軍進號征虜詔

門下維翰之重實資名品使持節都督郢州司
州之義陽諸軍事冠軍將軍郢州刺史南昌縣
開國侯鸞體局弘濟器操端敏自蒞任夏首美
政殷流必能聿宣國化以庇人瘼宜崇顯秩允
茲聲望

教

爲建平王聘隱逸教

府州國綱紀夫矯夏已沒大道不行雖周惠之
富猶有漁潭之士漢教之隆亦見棲山之夫迹
絕雲氣意負青天皆待絳螭驤首翠虬來儀是
以遺風獨扇百代餘烈激厲後生斯乃王教之
助古人之意焉吾稅駕舊楚憇兼汀潭挹於陵
之操想漢陰之高而山川遐久流風無沫養志
數人並未徵采善操將棄良用慨然宜速詳舊

禮各遣繻招庶暢此幽襟以旌蓬華

建平王赦五刑教

府州國綱紀吾謬繼朝組廼班恩命重渥華蕃
賤寵懋何永言政惠良攬清寤况舊楚地曠前
郢岷殷水帶枉渚山匝魯陽自頃田邑榛故封
井萊蕪財賦方屈犴獄寔繁思所以厚風釐俗
變瑟改調自五歲刑已下未送臺者一皆原遣
文武彈坐亦悉復職主局依舊施散薄紓此懷

爲蕭太傅東畊教

三府二州綱紀夫實農賤貨絲炤周滕巡畊去
販光炎漢錄故能業茲都野產殷絃縣吾任屬
弘寄思剛治源慮以晨感情以宵嘆今玄司調
氣青祇佇節隙 旣柔服 方秀電爍有期桐
萌無遠便當躬速糾耦道先列辟事均暫勞迹
在永豫可尅日備辦詳典施行

爲蕭驃騎發徐州三五教

州府綱紀沈攸之背慢靈極稽誅之日久矣况
稱兵江漢之上圖爨廟闕之下惡熾罪盈民靈
所絕朝廷以尅辰纂嚴令興夙駕吾任先貴近
義兼常慨挺亦投袂信見其時方當水斬龍蛟
陸斷犀兕雖烈士銜志壯夫投槩然雲羅旣舒
宜廣威防所統郡縣便普三五咸依舊格以赴
戎麾王者飛火施行

爲蕭驃騎築新亭壘埋枯骸教

州綱紀夫汝南稱慈諒由掩骼廣漢流仁實
存殯朽近築製茲營崇壘浚塹古墟曩燧時有
湮移深松茂草或致刊薶憑軒動懷巡隍增愴
宜並爲收改勿毀奠祀主局詳辨施行

江醴陵集卷之八

梁濟陽江淹文通著

明閩漳張爕紹和纂

表

拜中書郎謝表

榮鬱兩臨恩敝交鏡悄然墜寃廼懼廼逝臣聞
汝潁之金或揚采於四豪江淮之珠已馳光於
七貴皆聲不妄美第豈虛立未有伎慙湘興蒙
送目之賞工謝綵輪竊歸風之價臣幼乏篆刻

長睽圖史智罕効官志闕從政方遽求振風長
憂凌雨不悟遭社鳴之屬際河清之會玄雲素
霞必駕蓬萊白羣駢鱗咸蒙解遂仕通物任官
登郎掾此寔耀靈之私照而微臣之厚幸也仰
惟皇衢大融氣品呈觀西傾棧山東鯁航海故
奇士端威異人聲拆皆相望北闕待詔南宮而
臣學無利博文有忤害廼影拂頓屣伏黃扉之
右曳纓轉笏居青瑣之前訪德於姑射聞道於
崑崙伊臣之願過爲信矣昔望都才麗爵之上

班長岑聞靡身終下秩愚臣方古悠然已秦肉
燭徘徊眇不識屈

拜正員外郎表

臣邁鄉遠迹由學末徒不瑩雕龍之采寧照玄
豹之飾自過被光私濫蒙恩幸屢度經冬亟移
春序皇緯如紐慙飛塵之効璿基方峻謝寒露
之勤故宜伏影軒間卷氣衡下猶蒙供事紫楹
奉役丹殿巡魄擎概榮渥不晤震離徹邃阿景
洞幽復昇官清閨列版嚴闥叢識何筭爰忝叔
則之仕菲質焉樹廼謬仲容之職猥枉青牒增
光空質心懷末塵情慙洞戶佇首矯迹以銘以

江陰陸集

卷八

奏

爲建平王慶明帝疾和禮上表

臣聞慶動至玄則昌衢敦序教孚上雲則紫寓
交泰故祈寒溽暑無以變其和沴火凝陰不能
徙其氣伏惟陛下至德遐穆實天縱聖仁鑄蒼
岳道括寰海故丹陵之君款金泥而謝賢媯墟
之后眷龍圖而慚德頌聲蔽達歌思匝道而望
景暫虧輪光少曖玉櫺達和金幌輟念百祠未
遑四嶽匪處吉蠲爲慶神御方休瑞廣文齡祥
深武日具惟涵教欣愉兼薦臣班戚奉慈實自

慶舞不勝悅豫之情

建平王慶安城王拜封表

慶永經河映萼璿圃淑問夙孚令儀早晰撰告
候辰昭膺輝序國維富禮皇塗凝衛具生屬慶
懷識戴躍臣涵悅楚邊魂馳關闕不任下情

建平王之南徐州刺史辭闕表

臣過承寵靈閔黜暇日徒抱皇慈無兄橫草而
品第廼崇軒服逾峻顧茲覩躬彌覲荒昧今便
奉官外甸卷迹徐山託慕宸嚴載惟感戀哀疾
不獲詣闕不任窮鯁之情

建平王讓右將軍荊州刺史表

茂寵廼臨炫奪彝典廵恩鏡飾攬情震慮臣聞
該秩詔序匪賢莫能孚其職端維裂陝非功無
或濫其選所以輪鞅國典締結民紐五威咸平
四精或訓者也臣踐行迷方試業敝緒徒以綴
采宗莘承渥帝席執圭戴筆亟荷出內至乃曳
組河縣蔑馴羽之化鳴環京轂謝擇鱗之政聲
績兩無風化雙缺而龜紐未剔璽書頻降復改
冊湘區分瑞衡服竟無賈琮交部之廉終乏郭

攸弁壤之信固以維脊民明湫隘身諷不悟皇
靈再輝河海重渥遂踰恒采妄貲異等荆門務
要方城任積水交沅澧山通岷峨襟帶百縣縈
抱七州上德懋勲歎居斯地寧臣膠固所宜膺
荷是以焦薄覓色驚迫心影謹刷睿情置露弱
志伏願陛下停旒弛珎暫炤瑣曲則鑄才式弘
練物惟遠王度旣清蒙識以泰不勝慙懔屏營
之情

爲蕭驃騎讓封第二表

臣某言寫瀝愚丹已續前表猥降前詔未垂鏡
恕一省驚慙再悸竊府靜躬自察啓居匪地臣
聞日薄星迴昊天無以爽其節山盈川冲厚地
不能虧其度豈不靈鑄有限神極無爽况世道
恒淪人彝剽奪數滿必汙虛飾小故亂大臣才
非古賢任鈞左戚祚開山河兼金疊組爵侈常
班寵溢前達以榮以渥且慙且覩雖嘉銘鼎之
恭更懼循墟之速矧乃三司業貴上將地崇惣

錄務廣河汾寄深珪寓方啓劍衛增肅旣驚朝
野足震城邑殷周富士猶難其人漢魏多才亦
罕兼職且麟閣之臣尙有位不及鉉全器之侯
猶或任不並台名爵無假前世之雄規車旗勿
濫中葉之英軌况鴻誥鬱集懋冊頓萃諒非虐
薄輕所膺符今殷夏旣聲封國式固故天地燁
耀日月更輝陛下停若鏡之明流如雲之愛方
求士於板巖宜思賢於屠肆而私臣以闡廟寵
臣以帷鼎位兼文武職惣內外非所以發夢渭

濱儲精河數鐫金刻石既不可詮輿歌里誦其
謂臣何仰緣大道方行蒼祇宅氣威靈所燭九
功咸詠寧於庸臣獨隔恩耀誓守愚衷重扣雲
日如蒙恩宥實生之幸不任慊款之誠

爲蕭驃騎讓封第三表

臣某言臣再拙懷請辭爲理屈側守圭漏伏望
衷鑑而宸緯嚴秘襟襟徒懸優獎之降非復常
旨肅奉驚懷臆曉如失臣炤冊訪古誦史稽昔
以爲敷道之寄管物成務愬錄之重匡績毗風
莫不下協河岳上踵光緯先王所以長世後厯
所以字民續金圖之要輔樞曆之機者也臣本
瑣姿不慕聞達昔值英世頻遘時來感激光私
未能自返烏可超乘厚任妄據高圖天道旣平

鬼神好謙臣亦何人而獨斯處所以不恤色忤
類犯鴻威者正以方圓之景已滿丹彩之色難
加政能緯俗匪務傍職坐而燮道必在其人若
臣武未屬縶韉之分文不藹樽俎之間德非時
秀道乖物宗虛飾疲伍空貽上位則天變彰於
飛流地靑見于震壓驚蕩民聽蕪沮物議綸言
之出不追金石之謬已遠豈唯敗錦傷經毀鼎
覆餗而已哉自非西京上績東都名勲河右群
賢江左諸彥寧有誣叨天爵以爲已功者也昔

南楚偏君鄢郢小政執珪柱國尙不輕授况車
軌共文四溟同宅而以鄙蔽超居金鉉殊任鬱
起臣心憂魄悚視丹如綠伏願陛下暫停冕纁
少察愚實鑒臣覲情愍臣孤志廣天下之惠可
匹夫之諒則國步永清門下永無謬悞不任憂
駭之情

爲蕭驃騎錄尚書事到省表

臣某言臣自妄蒙異寵輕荷殊爵晝昃猶聳夜
艾方驚誠以設器瑤陛取監冲蒲懸魄金波微
驗虧闕茲乃天數去盈人經好退后所以裁成
萬品下所以各慎百司未有違才易貫克負永
業者也且量力之誥實炯前書辭科之誨且昭
昔牒况臣徒竭弱質忠貞未對猶叨今恩山岳
非重故慙屬交喪頻頻表疏必謂巡崖之慊不
忽俟河之清可期不悟皇明神邈鴻獎彌深雖

守丹愚競絕蠲恕今輒耀纓上序鏘珮中軒德
輕施重左右生華志盡輸謝終愧報効不任下
情

爲蕭驃騎讓豫司二州表

臣某言臣傾心駐氣不蒙睿感憂龔交鏡中寐
再驚臣聞國曆惟耀則藩伯緝其才朝緯伊序
則方率司其度用能璿組弗虧民教可變者也
臣自少器業無聞弘大誤變燕鼎超憑吳舟託
翰負組假翼要瓊質圖玄素文寫青籙爵富諸
公任高群彥銓梁旣失輻誦所濫雖及影毗道
狗身贊德朝徽不昭民聽具溢豈非性力知限
鑒度有崖乘茲而處猶懼紊辱之耻况此以任

何堪湧溢之賜且董督條興皆非盛古至乃河
襲初授或體兼上才江表廣任或功爲物首臣
績陋於國不勤睿朝寵集若是非所克取終抱
寸襟重露愚見伏願天鑄廣裁地靈厚載特垂
蠲渥使不矜盈則藿質蓬性庶無矯奪不任匪
曷之情

爲蕭驃騎上頓表

臣某言伏見明詔鑒興便御親六師臣又謬惣
群師竊聞金火告耀昏明代卷雲電漑湊經綸
相襲所以草昧縣寓昭晰區宙况乃途徒阻兵
器掩西服雖蟻衆鼠竊勢必攄散然尋仍難貸
原煙易滅臣受筭內楹稜威外閫按甲視夕沾
襟待旦翦此凶渠庶匪曠旬但遂玉輅躬臨雲
蹕親駕慷慨交心實百常憤今便嚴率所統尅
此月二十六日出次戎郊故已望江源以軫歎

想荆山而增厲矣進止之宜更聽勅旨不任悚
企匪寧之心

爲蕭驃騎謝慰勞表

臣某言卽日侍中祕書監臣戢至奉宣詔旨慰
勞便受轂中帷練甲外壘旄旌蔽景輿徒競氣
人懷秋嚴士蓄霜斷晦覓已掩氛豎未懸稽鉞
峙威寢興震慨今王人臨郊皇華降庭輝耀望
實將激威武戴鷁之夫迎光蹕恩投石之師攀
炤竦惠楚續越醪方茲慙潤臣忝屬閫私彌抱
渥洽不任下情

爲蕭驃騎慶平賊表

臣某言狂賊沈攸之棄天犯紀毀禮滅緯外陵
南畿內壘西夏稟血涵氣咸百讎憤賴皇威遐
制璿圖廣馭四海競順其會如林仰綴宗稷之
靈俯輯士民之効故嚴勅裁交妖鋒折首凱期
旣屆樂飲在晨斯乃紫曆方永蒼氓同慶臣備
符寵私時深并舞不任踴躍之情

爲蕭縣令解嚴幹黃鉞表

臣某言逆沴電熾凶妖霧舒志大禋天情已類
社故乃馳羽江郊驚燧山甸雖藏智審其黠戮
酒讖判其奔沮然兵戩難輕義險宜備故膺寵
無辭奉鉞不讓今元凶旣殪醜徒自紊朝靄方
卷郢氛已廓樂瑄登肆禮衣曳朝不宜復假殊
服取缺彝則輒上還王府永戢秘館

爲蕭驃騎讓油幢表

臣某言奉詔賜車一乘竊以國容方穆旗章式
序朝禮永清儀服咸贊故象革建鐃尙炯周圖
朱箱玄蓋猶炤漢篆皆旌羽勿差功庸匪濫臣
忝爵山重蒙榮海深襲恩祇冊已慙初筮浮祿
素位方疚心路鑒古以惕巡世罔然不宜假來
丹憶空飾皂輶仰思至道俯恤物僭伏願聖遠
特停華渚書恩上請追深累懼不任下情

爲蕭驃騎謝甲仗入殿表

臣某言臣卽日被勅賜給甲仗五十人入禁儀
武殿飾冠疇典局荷此盛恩五情銘載臣聞國
之利器在祀與戎蘭錡之設實允儲方故官騎
展居羽林天部瞰城龍塞言伏鬼方臣股肱之
力不足以染丹青橫草之勳寧可以鏤金石而
魚服象弭一旦虛授誕錫金珪方茲爲絢黃河
如帶比今非賞故異寵之襲心魄共驚不世之
服蒼祇同灼雖攀靈河漢駿奔明哲慙迹駭衷

無情以處